

Paerewa Paetae

Aronga	Hangarau 2.3		
Ingoa	Te whakaputa hoahoa hei whakaea i tētahi take hangarau motuhake		
Kaupae	2	Whiwhinga	4
		Aromatawai	Ā-roto
Marau akoranga	Te Marautanga o Aotearoa		
Kokonga akoranga	Hangarau		
Mana rēhita	Kua rēhitatia	Te rā i mana ai	19 Whiringa-ā-rangi 2015
Te rā e arotakengia ai	31 Hakihea 2020	Te rā i puta ai	19 Whiringa-ā-rangi 2015

Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

Ngā Āhuatanga o te Hangarau

3 *Ka tūhura, ka tautohe i ngā painga ohaoha o ētahi otinga me te pānga ki:*

- *ngā whānau, hapū, iwi rānei;*
- *ngā rohe, te motu, te ao whānui hoki.*

Te Whakaharatau Hangarau

5 *Ka aromātai, ka whakamātau i ngā otinga, kia taea ai te whakarerekē, te whakahāngai.*

7 *Ka whakatairanga, ka parahau i ngā otinga i runga anō i te āhua o te hiahia, o te urupare a te kiritaki, a te hāpori whānui hoki.*

E hono ana ki te Papa Whakaako mō te Hangarau kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Paerewa Paetae

<p>Paetae Te whakaputa hoahoa hei whakaea i tētahi take hangarau motuhake.</p>	<p>Hei tohu i te paetae:</p> <ul style="list-style-type: none"> • Ka tūhura i tētahi take hangarau motuhake. • Ka whakaputa i tētahi hoahoa hei whakaea i taua take. • Ka whakaahua he pēhea tā te hoahoa whakaea i taua take.
<p>Kaiaka He kaiaka te whakaputa hoahoa hei whakaea i tētahi take hangarau motuhake.</p>	<p>Hei tohu i te kaiaka:</p> <ul style="list-style-type: none"> • Ka arohaehae kōrero mō tētahi take hangarau motuhake. • Ka whakarerekē i te hoahoa hei whakaea i taua take. • Ka whakamārama he pēhea tā te hoahoa whakaea i taua take.
<p>Kairangi He kairangi te whakaputa hoahoa hei whakaea i tētahi take hangarau motuhake.</p>	<p>Hei tohu i te kairangi:</p> <ul style="list-style-type: none"> • Ka whakahiato kōrero mō tētahi take hangarau motuhake, mā te whakamātau i ngā huarahi maha. • Ka whakahāngai i te hoahoa hei whakaea i taua take. • Ka parahau he pēhea tā te hoahoa whakaea i taua take.

Kōrero Āpiti

1 E whai ake nei ngā whakamārama o ngā tino kupu, kīanga rānei:

whakaea	He kimi rongoā, he kimi ahunga whakamua, he kimi hua rānei e tutuki ai, e mārama ai rānei te take.
hoahoa	E whakaarohia ana ngā mea pēnei i: <ul style="list-style-type: none"> • ngā hoahoa o runga pepa, o runga rorohiko rānei • te tauira pakupaku • te kupu whakamārama • te pitopito kōrero mō ngā papanga • te hanga me ngā tikanga hangahanga e hua mai ai tētahi hua hangarau.
take hangarau motuhake	He take hangarau e whai pānga ana ki te hapori, i tohungia rānei e te ākonga i runga i tana kite i te hira o te take ki te hapori.
parahau	He tautoko, he whakamana rānei i tētahi tūāhuatanga ki ētahi kōrero whai matū, whai niho hoki.

2 Koia nei ētahi momo horopaki e pai ana mō tēnei paerewa:

- Iron Māori (Tangata Maitai/Rangatahi Rino/Wiki Hākinakina)
- Ngā tikanga hou mō te mahi hāngī
- Te (whakamahinga o te) muka i roto i ngā mahi hangahanga
- Te waka ama

- Te hanga wharau
- Te whakarite hui
- Te tuhi pūmanawa rorohiko māmā.

3 Me takoto mai te take hangarau motuhake i roto i tētahi tauāki ka tohungia e te kaiako, e te ākonga rānei. Mā te kaiako anō e whakatau mēnā e pai ana te tauāki hei kawē i tēnei aromatawai.

Kuputaka

parahau

justify

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233